

Innheimtumiðstöð rétthafa, IHM

Gagnsæisskýrsla vegna 2022

Lögð fram á aðalfundi fulltrúaráðs IHM 28. júní 2023

Upplýsingar um fjárhag félagsins, reikningskil og efnahagsreikning félagsins er að finna í ársreikningi IHM 2022, sem er í viðauka við skýrslu þessa. Er einkum vísað til ársreikningsins um þau málefni. Þar sem efni ársreikningsins sleppir, eru neðangreindar útskýringar til frekari fyllingar, að teknu tilliti til áskilnaðar laga nr. 88/2019. Sameiginlega mynda skýrsla þessi og ársreikningur félagsins gagnsæisskýrslu sem ætlað er að uppfylla áskilnað laga nr. 88/2019.

1. **Upplýsingar sem eiga að koma fram í árlegri gagnsæisskýrslu sem um getur í 23. gr. laga nr. 88/2019**

Samkvæmt ákvæði 1. liðar viðauka við lög nr. 88/2019 skulu nánar tilgreindar upplýsingar koma fram í árlegri gagnsæisskýrslu sem um getur í 23. gr. laganna. Að því leyti sem þær upplýsingar fást ekki ráðnar af ársreikningi félagsins er neðangreindum liðum þessa kafla ætlað að upplýsa um þau atriði sem greinir í liðum a.-h. 1. liðar viðauka laganna. Umfjöllun í eftirtöldum liðum samsvarar sömu bókliðum í 1. tl. viðauka laganna.

a. **Reikningskil sem innihalda efnahagsreikning eða yfirlit yfir eignir og skuldir, rekstrarreikningur fyrir fjárhagsárið 2022 og yfirlit um sjóðstreymi**

Þær upplýsingar sem nefndar eru í lið 1.a. er að finna í ársreikningi félagsins fyrir árið 2022.

b. **Skýrsla um aðgerðir á árinu 2022**

Síðasti aðalfundur IHM var haldinn þann 12. október 2022.

Alls voru þrjár stjórnarfundir haldnir á starfsárinu.

Þann 25. maí 2022 var kveðinn upp gerðardómur vegna ágreinings um skiptingu fjármuna sem úthlutað er á grundvelli 11. gr. höfundalaga nr. 73/1972. Varð niðurstaða gerðardómsins um úthlutun eftirfarandi:

1. Blaðamannafélag Ísland 2%
2. Félag kvikmyndagerðarmanna 3,5%
3. Félag leikstjóra á Íslandi, 2,5%
4. Hagbenkir, Félag höfunda fræðirita og kennslugagna, 4%
5. Myndstef, 7%
6. Rithöfundasamband Íslands og Félag leikskálda og handritshöfunda, 11%
7. Samband flytjenda og hljómplötuframleiðenda, 28%
8. Samband íslenskra kvikmyndaframleiðenda, 18%
9. Samtök kvikmyndaleikstjóra, 10%
10. STEF, Samband tónskálda og eigenda flutningsréttar, 14%.

Úthlutað var í fyrsta skiptið samkvæmt þessari niðurstöðu á haustmánuðum 2022. Gerðardómurinn gildir fyrir úthlutanir skv. 11. gr. höfundalaga út árið 2025, með seinustu úthlutun skv. honum árið 2026.

Sáttaviðræður IHM og Símans vegna innheimtumáls IHM á hendur Símanum héldu áfram á árinu. Niðurstaða fékkst í málið á fyrri hluta 2022, og málinu lauk farsælega með þeim hætti að Síminn féllst á að greiða IHM samtals 354 milljónir króna, annars vegar til að ljúka málinu og undirliggjandi kröfum, sem og til greiðslu á kröfum vegna línulegrar dreifingar á sjónvarpsrás RÚV á sl. fjórum árum. Hefur Síminn nú þegar greitt ofangreinda upphæð til IHM.

Áfram var unnið að samkomulagi við réttihafa um gerð nýrra samninga vegna endurvarps sjónvarpsrása og tengdra réttinda. Auk þess var unnið frekar að því að ná samkomulagi um nýtingu eldra efnis í sjónvarpi. Samkomulag við hlutaðeigandi lá ekki fyrir við lok árs, en vinna að slíkum samningum heldur áfram.

Unnið var að breytingum samþykkt á árinu en ekki náðist samkomulag um þær. Áfram verður unnið að breytingum.

Nýr framkvæmdastjóri, Björgvin Halldór Björnsson, kom til starfa í ágúst 2022.

c. Upplýsingar um synjun leyfisveitingar á grundvelli 5. mgr. 26. gr. höfundalaga

Engar synjanir um leyfisveitingar á grundvelli 5. mgr. 26. gr. höfundalaga fóru fram á vegum IHM á árinu 2021.

d. Lýsing á rekstrarformi félagsins að lögum og stjórnunarháttum

IHM er félag, en aðildar njóta þeir aðilar sem uppfylla skilyrði samþykkt IHM. Skilyrði eru tíunduð þar, auk lýsingar á stjórnunarháttum félagsins. Vísast til efnis samþykktanna, eins og þær eru hverju sinni, en þær eru aðgengilegar hér: http://ihm.is/Um_IHM/Samthykkir/

e. Upplýsingar um einingar sem eru beint eða óbeint í eigu eða undir yfirráðum sameiginlegu umsýslustofnunarinnar, að fullu eða að hluta

Engar einingar eru beint eða óbeint í eigu eða undir yfirráðum félagsins.

f. Upplýsingar um heildarfjárhæð þóknunar sem um getur í ákvæði 1.f. í viðauka laga nr. 88/2019

Sú þóknun sem greidd er einstaklingum sem annast daglegan rekstur IHM, sem og stjórnarmeðlimum sem annast eftirlit, er tilgreind í ársreikningi félagsins, undir lið 5 í skýringum: „Laun á skrifstofu“ og „Laun stjórnar“.

g. Fjárhagsupplýsingar sem um getur í 2. lið viðauka laganna

Um þær upplýsingar vísast til umfjöllunar hér fyrir neðan.

h. Notkun fjárhæða sem koma til frádráttar vegna félagslegrar, menningarlegrar og menntunartengdrar þjónustu

Engum fjárhæðum er úthlutað eða koma til frádráttar vegna félagslegrar, menningarlegrar og menntunartengdrar þjónustu.

2. Fjárhagsupplýsingar sem eiga að koma fram í árlegri gagnsæisskýrslu, sbr. 2. liður

Samkvæmt ákvæði 2. liðar viðauka við lög nr. 88/2019 skulu nánar tilgreindar upplýsingar koma fram í árlegri gagnsæisskýrslu. Að því leyti sem þær upplýsingar fást ekki ráðnar af ársreikningi félagsins er neðangreindum liðum þessa kafla ætla að upplýsa um þau atriði sem greinir í liðum a.-d. 2. liðar viðauka laganna. Umfjöllun í eftirtöldum liðum samsvarar sömu bókliðum í 2. tl. viðauka laganna.

a. Upplýsingar um tekjur af réttindum fyrir hvern réttindaflokk sem umsón er höfð með og hverja tegund notkunar

Í ársreikningi félagsins koma fram allar upplýsingar um þær tekjur sem félagið hefur af réttindum og/eða notkun réttinda.

b. Upplýsingar um kostnað við umsýslu réttinda og aðra þjónustu sem sameiginlega umsýslustofnunin veitir réttihöfum

Rekstrarkostnaður félagsins skiptist til milli annars vegar réttihafa sem eiga réttindi á grundvelli 11. gr. höfundalaga (70%) og hins vegar réttihafa sem eiga réttindi tengd endurvarpi sjónvarpsrása (30%), sem og tengd réttindi. Kostnaður sem fellur til sérstaklega vegna réttindagæslu annars réttihafahópsins er sérstaklega tilgreindur og dreginn frá réttindagreiðslum til þess réttihafahóps. Á árinu 2022 nam sérstakur kostnaður sem dreginn var af réttihöfum vegna innheimtu og sérfræðiþjónustu vegna endurvarpsréttinda alls kr. 1.656.933. Þá nam annar beinn kostnaður vegna þeirra réttinda alls kr. 1.080.536, en sá kostnaður er til kominn vegna aðkeyptrar vinnu við skýrslugerð og útreikninga.

Sundurliðun slíkra fjárhæða að öðru leyti, sem og tilgreiningu á kostnaðarliðum sem hafa verið greiddir með þeim fjármunum á árinu 2022, er að finna í ársreikningi félagsins.

c. Upplýsingar um réttindagreiðslur til réttihafa með ítarlegri lýsingu

Úthlutunum og greiðslum til réttihafa á árinu 2022 er lýst með ítarlegum hætti í ársreikningi félagsins. Vísast til hans um aðrar upplýsingar en fram koma hér.

Greiðslur til réttihafa fara almennt fram árlega, nema annað sé ákveðið á fulltrúaráðsfundum.

Greiðslur til svokallaðra „annarra aðildarféлага“ IHM, sem fara fram vegna réttinda á endurvarpi sjónvarpsútsendinga, sbr. bls. 8 í ársreikningi, hafa átt sér stað að hluta til. Vonir standa til að klára úthlutun til allra réttihafa í þessum hópi á árinu. Um er að ræða 20% hlutdeild í hreinum tekjum af endurvarpstekjum, en eftirtalin aðildarfélög deila með sér þeim hlut:

SFH (Samband flytjenda og hljómplötuframleiðenda), Rithöfundasamband Íslands, Blaðamannafélag Íslands, Félag kvikmyndagerðarmanna, Samtök kvikmyndaleikstjóra, Félag leikstjóra á Íslandi, Hagþenkir (Félag höfunda fræðiritra og kennslugagna), Myndstef og Félag leikskálda og handritshöfunda.

Í lok árs 2022 nam ógreidd hlutdeild samtaka réttihafa í hreinum tekjum til ársloka 2022 til ofangreindra og erlendra aðila, vegna endurvarps sjónvarpsútsendinga, alls kr. 152.067.544.

Ástæða þess að fénu hefur ekki verið ráðstafað er sú að ágreiningur er milli réttihafa um hlutdeild hvers og eins.

Í lok árs 2022 nam óráðstafað fé alls kr. 61.646.443. Þar af kr. 29.950.936 vegna eintakagerðar, sem kemur til úthlutunar á árinu 2023 í samræmi við gerðardóm og kr.

31.965.507 vegna reiknaðrar hlutdeildar kapalgeira í vaxtatekjum. Sjá nánar í skýringu ársreiknings nr. 2.

Í lok árs 2022 ógreiddar úthlutanir sem var búið að ráðstafa vegna eintakagerðar til einkanota kr. 2.679.071 en fjármunir þeir eru eign Bláamannafélags Íslands, sem hafði neitað að veita fjármuninum viðtöku sökum ágreinings um hlutdeild félagsins. Þetta mál var afgreitt af beggja hálfu á árinu 2023 og hefur verið greitt.

Engar fjárhæðir vegna tekna á grundvelli 11. gr. höfundalaga eru óráðstafanlegar, enda var leyst úr ágreiningi með gerðardómi í maí 2022.

d. Upplýsingar um tengsl við aðrar sameiginlegar umsýslustofnanir

Félagið er með gagnkvæma samninga við systurfélög sín á norðulöndum. Þau eru Copydan, Copyswede og Norwaco.